



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 01-04-1-47-3/26-EK/EN
Tuzla, 21.01.2026. godine

Na osnovu člana 10. Statuta Zavoda zdravstvenog osiguranja Tuzlanskog kantona Tuzla („Službene novine TK“ broj: 4/16), Saglasnosti Ministarstva zdravstva Tuzlanskog kantona broj: 13/1-33-1133/26 od 20.01.2026. godine, od strane Upravnog odbora Zavoda zdravstvenog osiguranja Tuzlanskog kantona na III telefonskoj sjednici, održanoj dana 21.01.2026. godine donosi se

O D L U K A

o sufinansiranju troškova neinvazivnih prenatalnih testova za 2026. godinu

Član 1.

Ovom Odlukom utvrđuju se kriteriji, način i postupak ostvarivanja prava na sufinansiranje troškova neinvazivnih prenatalnih testova, kao i iznos sredstava za sufinansiranje istih na teret Zavoda zdravstvenog osiguranja Tuzlanskog kantona (u daljem tekstu: Zavod).

Član 2.

- (1) Sufinansiranje troškova za dijagnostičku proceduru neinvazivnog prenatalnog testiranja vrši se trudnicama koje ispunjavaju najmanje jedan opšti i najmanje jedan posebni kriterij.
- (2) Opšti kriteriji su:
 - a) Trudnice sa navršениh 35 godina ili starije
 - b) Zbir godina supružnika/partnera 70 godina i više
- (3) Posebni kriteriji su:
 - a) Pojava hromosomopatija kod dosadašnjeg potomstva trudnice,
 - b) Dokazana malformacija ploda usljed čega je došlo do spontanog ili izazvanog pobačaja,
 - c) Patološki nalaz testova probira u ranoj trudnoći (rani test probira, double test, triple test),
 - d) Ultrazvučni znakovi hromosomopatija u ranoj trudnoći, kao i neke kongenitalne anomalije prepoznate ultrazvukom u trudnoći,
 - e) Ako je trudnica imala dva ili više pobačaja,
 - f) Trudnice koje su zanijele vantjelesnim putem, a koje nisu radile genetske analize.

Član 3.

- (1) Pravo na sufinansiranje troškova neinvazivnih prenatalnih testova se ostvaruje podnošenjem zahtjeva Zavodu.
- (2) Zahtjev za sufinansiranje troškova neinvazivnih prenatalnih testova podnosi osigurano lice ili njegov bračni/vanbračni drug.
- (3) Uz zahtjev se dostavlja sljedeća dokumentacija:
 - a) Nalaz ordinirajućeg ljekara specijaliste ginekologije i akušerstva sa preporukom za neinvazivni prenatalni test uz relevantnu medicinsku dokumentaciju kojom se dokazuje ispunjenost kriterija iz člana 2. stav (3) ove Odluke,
 - b) Nalaz o izvršenoj usluzi,
 - c) Originalan račun o izvršenoj usluzi ili ispis elektronskog računa uz potpisanu i ovjerenu (kod notara ili nadležnog organa) izjavu da je to jedini račun koji posjeduje,

- d) Kopija potvrde o tekućem računu ili instrukcija za uplatu iz banke, sa izjavom koja sadrži broj računa na koji će se uplatiti odobrena sredstva (potpisana od podnosioca zahtjeva),
- e) Za dokazivanje ispunjenosti opšteg kriterija iz člana 2. stav (2) tačka b) ove Odluke, uz zahtjev je potrebno priložiti izvod iz matične knjige vjenčanih izdat od strane nadležne opštine, odnosno ovjerenu izjavu od notara iz kojom se dokazuje da vanbračna zajednica traje najmanje tri godine.

Član 4.

Postupak po zahtjevu osiguranih lica za učešće Zavoda u sufinansiranju troškova neinvazivnih prenatalnih testova provodi se u skladu sa odredbama Zakona o upravnom postupku Federacije BiH.

Član 5.

- (1) O zahtjevu osiguranih lica za učešće Zavoda u sufinansiranju troškova neinvazivnih prenatalnih testova odlučuje posebna Komisija koju imenuje direktor Zavoda.
- (2) Komisija iz prethodnog stava ima pravo tokom postupka od podnosioca zahtjeva tražiti dopunu dokumentacije u svrhu dokazivanja ispunjenosti uslova propisanih kriterija.
- (3) Po razmatranju opravdanosti zahtjeva, Komisija donosi Nalaz i ocjenu, koji dostavlja direktoru Zavoda, koji u slučaju ispunjenosti svih uslova predviđenih članom 2. ove Odluke daje svoju saglasnost na isti.
- (4) Na osnovu Nalaza i ocjene donosi se Rješenje.

Član 6.

- (1) Zavod će vršiti sufinansiranje troškova neinvazivnih prenatalnih testova u iznosu 50% stvarno utrošenih sredstava, a maksimalno do 500,00 KM.
- (2) Osigurano lice ima pravo na jedno sufinansiranje troškova u skladu sa stavom (1) ovog člana, za jednu trudnoću u periodu važenja ove Odluke i to za usluge izvršene u toku 2025. godine.

Član 7.

- (1) Sredstva za sufinansiranje troškova neinvazivnih prenatalnih testova su obezbijedena u Finansijskom planu Zavoda zdravstvenog osiguranja za 2026. godinu.
- (2) Sufinansiranje odobrenih zahtjeva će se vršiti po redoslijedu predaje zahtjeva do utroška planiranih sredstava.

Član 8.

Ova Odluka se primjenjuje za 2026. godinu.

Dostavljeno:

1. Ministarstvu zdravstva TK
2. Sektoru za trezorsko poslovanje
3. Sektoru za zdravstveno osiguranje i informatičku podršku
4. Sektoru za pravne i opšte poslove
5. a/a



Predsjednik Upravnog odbora

dr. Muhamed Osmanović



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 01-04-1-53-6/26 -JH/ŠD

Tuzla, 28.01.2026. godine

Na osnovu člana 10. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16), od strane Upravnog odbora Zavoda zdravstvenog osiguranja Tuzlanskog kantona, na I redovnoj sjednici, održanoj dana 28.01.2026. godine, donosi se

O D L U K A

o izmjeni

Odluke o sufinansiranju troškova neinvazivnih prenatalnih testova za 2026. godinu

Član 1.

U članu 6. Odluke o o sufinansiranju troškova neinvazivnih prenatalnih testova za 2026. godinu broj: 01-04-1-47-3/26-EK/EN od 21.01.2026.godine (u daljem tekstu: Osnovna odluka), stav (2) mijenja se i glasi :

„(2) Osigurano lice ima pravo na jedno sufinansiranje troškova u skladu sa stavom (1) ovog člana, za jednu trudnoću i to za usluge izvršene u toku 2025.godine i 2026.godine.“

Član 2.

Osnovna odluka u preostalom dijelu ostaje nepromijenjena.

Član 3.


Na ovu Odluku data je saglasnost Ministarstva zdravstva TK broj: 13/1-33-1659/26 od 26.01.2026. godine.

Član 4.

Odluka stupa na snagu danom donošenja, predstavlja sastavni dio Osnovne Odluke i primjenjuje se od dana donošenja Osnovne Odluke.

Dostavljeno:

1. Ministarstvu zdravstva TK
2. Sektoru za trezorsko poslovanje
3. Sektoru za zdravstveno osiguranje i informatičku podršku
4. Sektoru za pravne i opšte poslove
5. a/a



Predsjednik Upravnog odbora

dr. Muhamed Osmanović